



CONVENIO ENTRE A SECRETARÍA XERAL DE EMIGRACIÓN DA XUNTA DE GALICIA, O INSTITUTO GALEGO DE PROMOCIÓN ECONÓMICA E MICROBANK. PARA O ESTABLECEMENTO DUNHA LIÑA DE FINANCIAMENTO PARA EMPREENDEDORES GALEGOS RETORNADOS

MEMORIA XUSTIFICATIVA

O Director da Área de Competitividade do Instituto Galego de Promoción Económica (IGAPE)

DECLARA:

Que este ente ten previsto formalizar coa Secretaría Xeral de Emigración da Xunta de Galicia e Nuevo Micro Bank, S.A.U. (en diante, Microbank) o instrumento convencional arriba referido por un período de vixencia que abrangue dende o día da súa sinatura ata o 30 de decembro de 2022.

Que o instrumento convencional ten por obxecto:

aa colaboración entre as entidades asinantes para establecer unha liña de financiamento para emprendedores galegos/as retornados/as coa finalidade de:

- Potenciar o autoemprego e incentivar a actividade emprendedora favorecendo a igualdade de oportunidades de homes e mulleres.

- Financiar o establecemento, consolidación ou ampliación de microempresas, negocios de autónomos e proxectos de autoemprego co obxectivo de contribuír ao desenvolvemento do tecido produtivo, a creación e consolidación de emprego e a contribución ao progreso social. Que existe converxencia de intereses entre as entidades asinantes en orden á consecución do obxecto referido.

Que o instrumento convencional que se pretende asinar fundamentase no seguinte:

I. A Estratexia Retorna aprobada polo Consello da Xunta de Galicia, inclúe medidas para facilitar o dereito dos emigrantes galegos e máis dos seus descendentes a regresar a Galicia, e recolle como un dos obxectivos promover o autoemprego e a creación de pemes por parte das persoas emigrantes galegas retornadas.

Esta Secretaría Xeral da Emigración, no marco desta Estratexia Retorna, desenvolve subvencións para promover o autoemprego e a actividade emprendedora na Comunidade





Autónoma galega, das persoas emigrantes galegas retornadas, dos seus cónxuxes ou persoas con unión análoga, así como dos seus descendentes, de modo que poidan fixar a súa residencia en Galicia, integrarse e realizar nela as súas actividades profesionais, empresariais ou laborais.

II.- Que o Igape é a axencia de desenvolvemento rexional de Galicia. Como ente de dereito público con personalidade xurídica e patrimonio propios, entre os seus principais obxectivos están os de fomentar a creación de novas empresas, promover a mellora da produtividade e competitividade das sociedades xa asentadas na Comunidade Autónoma, atraer investimentos foráneos e facilitar a internacionalización do tecido produtivo. Igualmente entre os seus obxectivos están o de facilitar ás empresas servizos de asesoramento, planificación, xestión, financiamento, formación, localización, seguimento e, en xeral, calquera outro que poida contribuír á súa creación e desenvolvemento. A Lei 9/2013, do 19 de decembro, do emprendemento e da competitividade económica de Galicia, na disposición adicional segunda, establece que o Igape terá a consideración de entidade instrumental do sector público autonómico con competencias en materia de emprendemento.

III.- Que MicroBank, participado integramente por CaixaBank, ten como misión contribuír ao progreso e benestar da sociedade facilitando financiamento a aqueles colectivos e proxectos onde se xere un impacto social favorable. MicroBank é un banco social creado en 2007 como herdeiro da actividade realizada ata entón pola Obra Social 'la Caixa'. Un dos piares que sustentan a tramitación das liñas de financiamento a autónomos e emprendedores por MicroBank é a colaboración con entidades públicas e privadas. En total, MicroBank concertou acordos ou convenios con 270 entidades, distribuídas do seguinte xeito: 40 administracións públicas, 92 Concellos, 39 cámaras de comercio, 88 entidades privadas e 11 universidades, gozando esta entidade dunha especial implantación na oferta deste tipo de produtos.

Porén, de existir outras entidades que presten servizos semellantes con interese en prestar a mesma colaboración, IGAPE concertará os convenios que cumpran coa mesma finalidade có que se oficializa neste documento.

Para iso, o banco ofrece:

- Microcréditos: préstamos ata 25.000 euros, sen garantía real e dirixida a persoas que polas súas condicións económicas e sociais poidan ter dificultades de acceso ao financiamento bancario tradicional. A súa finalidade é fomentar a actividade produtiva, a creación de emprego e desenvolvemento persoal e familiar.

- Outras finanzas con impacto social: produtos e servizos que contribúen a xerar un impacto social positivo e medible na sociedade. Diríxense a sectores relacionados co emprendemento e innovación, economía social, educación e saúde. A súa finalidade é contribuír a maximizar o impacto social nestes sectores.

As condicións vantaxosas desta financiación, na que está especializada esta entidade e que son peculiares desta modalidade de préstamos, son as seguintes:



- A quen vai dirixido: Emprendedores (persoas físicas con proxecto de autoemprego, profesionais autónomos sen límite de ingresos anuais ou microempresas con menos de 10 traballadores e facturación anual inferior a 2.000.000 €) que, polas súas condicións económicas e sociais, poidan ter máis dificultades de acceso á financiación, e que contan co asesoramento dunha entidade colaboradora que teña convenio con Microbank.
- Límite da concesión 25.000 €, 100% do investimento.
- Prazo: ata 72 meses, incluídos 6 meses de carencia.
- Tipo de xuro: Tipo fixo ao 5,90%
- Comisións: Sen comisiones
- Garantías: Sen garantía real nin condición de aval, excepto cando o titular sexa unha persoa xurídica, que se requirirá aval necesariamente dos socios.

Que os intereses converxentes das partes asinantes exclúen o ánimo de lucro e non conlevan ninguha contribución financeira por parte das institucións públicas asinantes, máis aló da dedicación do seu persoal a difundir esta liña de préstamos en beneficio dos retornados e a realización dos plans de viabilidade solicitados que tampouco suporan ningún tipo de responsabilidade para o IGAPE e xestións relacionadas. Non poden satisfacerse, xa que logo, mediante a celebración dun contrato dos contemplados no Texto Refundido da Lei de Contratos do Sector público, aprobado por Real Decreto Legislativo 3/2011, de 14 de novembro, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

Santiago de Compostela,

Norberto Penedo Rey
Director da Área de Competitividade do IGAPE